



BAHAGIAN 1 MEMBOLEHKAN PERTUMBUHAN NILAI BERSAMA

PENGENALAN

Lanjutan daripada peningkatan kesedaran mengenai impak global pelbagai isu ekonomi, sosial dan alam sekitar, permintaan terhadap pertumbuhan ekonomi yang lebih inklusif, mampan dan saksama kian meningkat. Kini syarikat perlu memberi pertimbangan yang lebih mendalam terhadap kepentingan jangka panjang masyarakat dan alam sekitar dalam model dan keputusan perniagaan mereka.

Konsep bagi mewujudkan nilai bersama¹ menggariskan bahawa pertumbuhan nilai ekonomi dan sosial dapat dicapai selagi syarikat-syarikat bersedia untuk menyusun semula produk dan pasaran untuk menyediakan keperluan yang belum dipenuhi, mentakrifkan semula produktiviti dalam rantai nilai untuk meningkatkan penggunaan sumber dan membolehkan pembangunan komuniti atau ekosistem.

Dalam konteks pembangunan pasaran modal Malaysia, ia memerlukan industri untuk (1) mempertimbangkan keperluan masyarakat dan alam sekitar disejajarkan dengan Pelaburan Mampan dan Bertanggungjawab (SRI) dan pasaran modal Islam (ICM); (2) memacu keterangkuman yang lebih besar bagi penerbit melalui kaedah pembiayaan alternatif; (3) memudahkan lebuh keterangkuman pelabur melalui pengembangan penawaran produk; (4) meningkatkan kecekapan merentasi rantai nilai pasaran modal untuk penggunaan modal yang lebih produktif dan kerancakan pasaran; dan (5) membolehkan inovasi dan pertumbuhan melalui kerjasama di peringkat antarabangsa, serantau dan tempatan. Menyedari peri pentingnya nilai bersama, SC selama ini telah melaksanakan dasar dan inisiatif untuk membolehkan pertumbuhan nilai bersama.

KE ARAH PASARAN MODAL YANG MEMENUHI KEPERLUAN MASYARAKAT DAN ALAM SEKITAR MELALUI SRI DAN ICM

Sebagai pasaran kedua terbesar dalam pelaburan mampan di Asia (tidak termasuk Jepun)² dan peneraju global dalam pasaran modal Islam, Malaysia berada pada kedudukan yang baik untuk terus memacu agenda kewangan mampan, bersandarkan penyelarasan prinsip yang mendasari pelaburan Syariah dengan prinsip kewangan mampan.

SC masih berpandukan "Strategi 5i" dalam membangunkan ekosistem SRI, dengan memanfaatkan kedudukan kepimpinan Malaysia dalam ICM. Pengenalan strategi ini pada 2014 membolehkan SC memberi tumpuan kepada aktiviti atau inisiatif yang menyokong Matlamat Pembangunan Mampan (SDG) Bangsa-Bangsa Bersatu melalui pasaran modal. Sejak itu, SC telah menyaksikan peningkatan minat pelabur yang ingin menyepakuk faktor alam sekitar dalam membuat keputusan pelaburan mereka, menghubungkan pulangan kewangan dengan nilai-nilai yang lebih baik.

¹ Konsep Nilai Bersama telah diperkenalkan oleh Michael E Porter dan Mark R Kramer dalam rencana Harvard Business Review bertajuk, *Creating Shared Value* pada 2011.

² Setakat 2016, Malaysia memiliki 30% daripada aset pelaburan mampan dan bertanggungjawab di Asia (kecuali Jepun) (*Global Sustainable Investment Review 2016*).

Diagram 1

Strategi 5i berpandukan kepada ekosistem SRI



**TAHUKAH
ANDA?**

- Sejumlah RM882.30 juta bon hijau dan sukuk telah diterbitkan melalui pasaran modal Malaysia bagi manfaat alam sekitar pada 2018.
- Dana sukuk Persekitaran, Sosial dan Tadbir Urus (ESG) yang pertama di dunia, dilancarkan pada 2018 di bawah *Guidelines on SRI Funds SC* di Malaysia, menyepadukan kriteria ESG dengan metriks kewangan dan bukan kewangan dalam strategi pelaburan portfolionya.

pembiayaan projek yang juga memberi manfaat kepada alam sekitar dan masyarakat. Direka bentuk sebagai serba guna, ia menyediakan penerbitan sukuk hijau, sosial dan lestari, menawarkan pilihan pembiayaan yang lebih baik kepada penerbit. Pada 2018, dua sukuk hijau SRI baru berjumlah RM467.3 juta telah diterbitkan. Terdahulu pada 2017, tiga sukuk telah diterbitkan, termasuk sukuk SRI hijau pertama di dunia diterbitkan di Malaysia, menjadikan jumlah terbitan sukuk hijau SRI kepada lima dengan jumlah yang dikumpulkan sebanyak RM2.4 billion.

• **Skim Geran Sukuk SRI Hijau**

Untuk menggalakkan lebih banyak penerbitan sukuk hijau SRI, SC telah menujuhkan Skim Geran Sukuk SRI Hijau sebanyak RM6 juta pada 2018 untuk memberi insentif kepada penerbit dengan mengofset sehingga 90% daripada kos semakan luaran yang berkaitan dengan permohonan pensijilan hijau. Geran ini yang ditadbir oleh Capital Markets Malaysia (CMM) telah meluluskan empat permohonan untuk mendapatkan Geran setakat penghujung 2018.

• **Piawaian Bon Hijau ASEAN**

Untuk menyokong pembangunan kelas aset hijau di rantau ASEAN, Forum Pasaran Modal

Pertumbuhan berterusan kelas aset kewangan mampan

Dalam membangunkan ekosistem yang memudahkan cara untuk mengukuhkan kedudukan Malaysia sebagai peneraju serantau dalam pelaburan mampan, SC telah mempergiat usahanya dalam menggalakkan dan memperkenalkan kelas aset hijau, sosial dan lestari:


• **Sukuk Hijau SRI**

Pada 2014, SC memperkenalkan Rangka Kerja Sukuk SRI untuk memudahcaraikan

MASA DEPAN YANG LEBIH BAIK BERSAMA KEWANGAN HIJAU

Sepanjang dua tahun yang lalu, Malaysia telah menyaksikan pertumbuhan menggalakkan dalam bilangan projek hijau yang dibiayai melalui Rangka Kerja Sukuk SRI dan ASEAN GBS. Di samping membiayai bangunan hijau, kewangan hijau juga telah memudahkan rancangan pembangunan loji kuasa solar yang semakin meningkat bilangannya dan membekalkan kira-kira 299 megawatt untuk Malaysia.

Projek hijau yang dibiayai di bawah rangka kerja Sukuk SRI dan GBS ASEAN



ASEAN (ACMF)³ memperkenalkan *Piawaian Bon Hijau ASEAN* (ASEAN GBS) pada November 2017. Susulan daripada penerbitan sulung Bon Hijau ASEAN pada 2017 oleh penerbit Malaysia yang diiktiraf sebagai sukuk hijau SRI, empat bon hijau ASEAN di bawah ASEAN GBS dari Malaysia dan Singapura telah diterbitkan. Di samping itu, sukuk kerajaan pertama di ASEAN yang diterbitkan oleh Indonesia telah disejajarkan kepada ASEAN GBS.

Pada 2018, berikutan penerbitan Prinsip Bon Hijau (GBP) oleh Persatuan Pasaran Modal Antarabangsa (ICMA), ASEAN GBS telah

dipinda pada Oktober untuk memastikan penjarajarnya dengan GBP ICMA. Edisi yang telah disemak semula tersebut, antara lain memberikan panduan tambahan dan takrifan yang dikemas kini serta menggalakkan pelaporan tepat masa mengenai perkembangan utama.

- **Piawaian Bon Sosial ASEAN dan Piawaian Bon Lestari ASEAN**

Seiring dengan meningkatnya kepentingan kewangan mampan di ASEAN, salah satu daripada inisiatif utama ACMF pada 2018

³ SC merupakan sebahagian daripada ACMF, yang merangkumi pengawal selia pasaran modal daripada 10 bidang kuasa ASEAN. ACMF ditubuhkan pada 2004 untuk menggalakkan integrasi pasaran modal serantau.

MENJAJARKAN KEWANGAN MAMPAH DENGAN MATLAMAT PEMBANGUNAN MAMPAH

Di peringkat global, terdapat peningkatan perhatian terhadap keperluan untuk membuka pelaburan swasta bagi memenuhi Matlamat Pembangunan Mampan (SDG). Kekurangan pembiayaan yang diperlukan untuk merealisasi SDG di negara-negara membangun dianggarkan sebanyak US\$5 hingga US\$7 trilion pada setiap tahun sehingga 2030⁴. Walaupun pembiayaan kerajaan adalah penting, kebanyakan daripada pelaburan ini perlu mendapatkan sumber pembiayaan daripada sektor swasta. Terdapat keperluan untuk memanfaatkan pasaran modal untuk menggerakkan pembiayaan bagi memenuhi keperluan pendanaan SDG.

Ini boleh dicapai dengan menggalakkan pembangunan kewangan mampan yang menggabungkan kriteria ESG yang dijajarkan kepada 17 SDG dalam keputusan pelaburan. Jadual 1 menjelaskan bagaimana rangka kerja SC dan piawaian ACMF dan mengenai kewangan mampan dijajarkan dengan SDG.

Rangka kerja Sukuk SRI, bersama dengan ASEAN GBS, ASEAN SBS dan ASEAN SUS, memainkan peranan penting dalam memudah cara keperluan pembiayaan pembangunan infrastruktur dan sosial rantau ini. Bagi menunjukkan penjajaran kategori projek di bawah rangka kerja dan piawaian ini kepada SDG UN, SC menyemak 17 SDG tersebut bagi mengenal pasti mana-mana yang bersesuaian. Daripada 17 SDG itu, 15 dianggap sesuai dengan kategori projek.

Jadual 1

Projek	SDG
Rangka kerja Sukuk SRI	
1. Sumber asli	
2. Tenaga boleh diperbaharui dan kecekapan tenaga	
3. Pembangunan komuniti dan ekonomi	
4. Hartanah/aset wakaf	
Piawaian Bon Hijau ASEAN	
1. Tenaga boleh diperbaharui	
2. Kecekapan tenaga	
3. Pencegahan dan kawalan pencemaran	
4. Pengurusan persekitaran lestari bagi sumber asli hidup dan penggunaan tanah	
5. Pemuliharaan biodiversiti tanah dan aquatik	

⁴ Anggaran Suruhanjaya Perdagangan dan Pembangunan PBB (UNCTAD).

Projek	SDG	Huraian SDG
Piawaian Bon Hijau ASEAN		
6. Pengangkutan bersih		Matlamat 1: Tiada kemiskinan Matlamat 2: Kebuluran sifar Matlamat 3: Kesihatan yang Baik dan Kesejahteraan
7. Pengurusan air lestari dan air sisa		Matlamat 4: Pendidikan Berkualiti Matlamat 5: Kesemarataan Jantina Matlamat 6: Air Bersih dan Sanitasi
8. Penyesuaian perubahan iklim		Matlamat 7: Tenaga Murah dan Bersih Matlamat 8: Pekerjaan yang Baik dan Pertumbuhan Ekonomi
9. Kecekapan eko dan/atau produk padanan ekonomi pusingan, teknologi dan proses pengeluaran		Matlamat 9: Industri, Inovasi dan Infrastruktur Matlamat 10: Ketaksamaan yang Dikurangkan
10. Bangunan hijau yang memenuhi piawaian atau pensijilan serantau, tempatan atau antarabangsa yang diiktiraf		Matlamat 11: Bandaraya dan Masyarakat Lestari Matlamat 12: Penggunaan dan Pengeluaran Bertanggungjawab
Piawaian Bon Sosial ASEAN		
1. Infrastruktur asas mampu milik		Matlamat 13: Tindakan Cuaca Matlamat 14: Kehidupan di Dalam Air
2. Akses kepada perkhidmatan bantuan		Matlamat 15: Kehidupan di Darat Matlamat 16: Keamanan, Keadilan dan Institusi yang Kukuh
3. Perumahan mampu milik		Matlamat 17: Perkongsian bagi Matlamat
4. Pewujudan pekerjaan		
5. Keselamatan makanan		
6. Peningkatan dan pemerkasaan sosioekonomi		

Nota: Ilustrasi ini untuk ASEAN GBS dan ASEAN SBS dijajarkan dengan Pemetaan Peringkat Tinggi bagi Matlamat Pembangunan Mampan 2018 yang diterbitkan oleh ICMA. Ilustrasi ini adalah sebagai rujukan dan projek-projek perlu disemak secara berasingan untuk penajaran. Penajaran dengan SGD tidak secara automatik memastikan penajaran dengan Rangka kerja Sukuk SRI, ASEAN GBS, ASEAN SBS dan ASEAN SUS (gabungan projek hijau di bawah GBS ASEAN dan projek sosial di bawah SBS ASEAN).

Menggalakkan agenda kewangan mampan dalam 2018

PERIKATAN PENANDA ARAS DUNIA

5 Februari

Sesi perundingan oleh World Benchmarking Alliance (WBA) dengan pihak berkepentingan utama di Malaysia untuk memahami bagaimana tanda aras korporat SDG boleh dirangka bagi memastikan ia dapat mencipta nilai

SIMPOSIUM PASARAN MODAL DUNIA

6 & 7 Februari

PERSIDANGAN SC-BANK DUNIA-HAB IOSCO ASIA PASIFIK

14 & 15 Mei

(Sorotan acara di muka surat 9 & 32)

SIDANG MEJA BULAT SC-OCIS KE-9

24 & 25 Mac

Usaha sama tahunan SC dan Pusat Pengajian Islam Oxford (OCIS) bagi meningkatkan kepimpinan pemikiran global dalam kewangan Islam. Fokus pada 2018 adalah ke atas 'Meningkatkan Nilai Pasaran Modal Islam Melalui Pelaburan Sosial dan Berimpak'

BENGKEL KEWANGAN HIJAU

12 April

Meningkatkan kesedaran mengenai bagaimana produk pasaran modal, terutamanya instrumen kewangan Islam sejarah dengan keperluan pembiayaan jangka sederhana hingga jangka panjang bagi pemilik projek tenaga boleh diperbaharui

SIDANG MEJA BULAT PELABURAN MAMPAН

16 Julai

Menggalakkan kemampaman dalam pasaran modal melalui peningkatan kesedaran terhadap inisiatif serantau dan global, SRI dalam kalangan pelabur runcit dan keperluan bagi piawaian di Malaysia untuk menggabungkan ESG dan prinsip Islam

FORUM UNDP-IsDB-SC

27 September

Diadakan sebagai acara sampingan Perhimpunan Agung PBB ke-73, pemimpin industri global membincangkan cara kewangan Islam menyediakan mekanisme pembiayaan inovatif bagi sektor swasta untuk menyokong Agenda Pembangunan Mampan 2030

FORUM KEWANGAN HIJAU

17 Oktober

Forum ini memberi kemas kini kepada pengumpul dana berpotensi dan pengantar kewangan mengenai inisiatif oleh agensi-agensi kerajaan dalam bidang kewangan hijau dan pilihan pembiayaan yang ditawarkan oleh ICM

DIALOG MENTERI BERSAMA PENGURUS KEMAMPAНAN KORPORAT

4 Disember

Dialog bersama menteri MESTECC, CMM, Bursa Malaysia dan syarikat awam tersemrahi ke arah matlamat bersama untuk mencapai Agenda Pembangunan Mampan 2030 PBB

adalah pembentukan kelas-kelas aset lestari. Untuk menyokong keperluan pembangunan mampan ASEAN, ACMF telah membangunkan:

- (i) *Piawaian Bon Sosial ASEAN* (ASEAN SBS), berdasarkan *Prinsip Bon Sosial* ICMA bagi pembiayaan projek yang membawa manfaat kemasyarakatan; dan
- (ii) *Piawaian Bon Lestari ASEAN* (ASEAN SUS), berdasarkan Garis Panduan Bon Kelestarian ICMA, bagi pembiayaan gabungan projek-projek hijau dan sosial

yang menawarkan manfaat persekitaran dan sosial.

• Garis Panduan Dana SRI

Untuk memudahcarakan dan menggalakkan pertumbuhan dana SRI, SC memperkenalkan garis panduan, *Guidelines on SRI Funds* pada Disember 2017. Ia bertujuan untuk memperkuuhkan kedudukan kepimpinan Malaysia dalam pasaran dana SRI di rantau ini. Sejak itu, empat dana SRI yang layak telah dilancarkan oleh industri di bawah Garis Panduan ini pada 2018. Ini termasuk dana sukuk ESG pertama di dunia.

PERSIDANGAN SC-BANK DUNIA-HAB IOSCO ASIA PASIFIK 2018: MALAYSIA PENERAJU DALAM MENDOKONG PENUMPUMAN TERHADAP KEWANGAN ISLAM DAN HIJAU

Suruhanjaya Sekuriti Malaysia
14 & 15 Mei 2018

Persidangan ini merupakan kerjasama kali kedua antara SC dan Hab Pengetahuan dan Penyelidikan Global Kumpulan Bank Dunia di Malaysia, dengan pengajur bersama baharu, Pertubuhan Antarabangsa Suruhanjaya Sekuriti (IOSCO) Hab Asia Pasifik.

Bertemakan "Memanfaatkan Kewangan Islam untuk Masa Hadapan Hijau", persidangan tersebut telah mengumpulkan seramai 200 orang pengamal industri, pembuat dasar dan pakar kewangan Islam dan bidang pelaburan mampan bagi membincangkan dasar utama, pengawalseliaan dan elemen institusi yang diperlukan untuk terus meningkatkan penerapan pasaran kewangan Islam dalam usaha pengurangan dan penyesuaian iklim.

Ahli panel terpilih program:



**Datuk Zainal Izlan
Zainal Abidin**
Timbalan Ketua Eksekutif
Suruhanjaya Sekuriti Malaysia



Abayomi A Alawode
Ketua, Kewangan Islam
Bank Dunia

"Penerbitan perintis Sukuk Hijau di Malaysia menunjukkan potensi besar dalam melaksanakan instrumen kewangan Islam bagi menyokong agenda hijau tersebut. Perkara ini dicapai melalui perkongsian antara Hab Malaysia Bank Dunia, kerajaan Malaysia dan pihak berkepentingan lain. Kami berhasrat untuk memanfaatkan pencapaian ini bagi memupuk penggunaan instrumen sedemikian untuk membiayai pembangunan mampan dan membina daya tahan terhadap perubahan iklim dan bencana alam di negara-negara pelanggan kami"

Richard Record⁵, Pemangku Pengurus Negara untuk Hab Pengetahuan dan Penyelidikan Global Bank Dunia di Malaysia



Sean Kidney
Ketua Pegawai Eksekutif
dan Pengasas Bersama
Inisiatif Bon Iklim



**Datuk Dr Mohd
Daud Bakar**
Pengasas & Pengerusi
Kumpulan Amanie



Mushtaq Kapasi
Ketua Perwakilan untuk
Asia Pasifik
Persatuan Pasaran
Modal Antarabangsa



Nezha Hayat
Presiden
Pihak Berkuasa Pasaran
Modal Maghribi

⁵ Richard Record ialah Ketua Ahli Ekonomi, Makroekonomi, Perdagangan dan Pelaburan Amalan Global, Bank Dunia.


Memprofil Malaysia sebagai hab kewangan mampan yang sedang berkembang

Penyertaan SC dalam pelbagai acara dan peranan kepimpinan dalam forum berkaitan SRI dan SDG memastikannya terus meningkatkan kesedaran mengenai kewangan mampan dan kedudukan Malaysia yang semakin penting dalam bidang ini. Acara-acara ini menyediakan platform bagi SC untuk menjalin hubungan dan bertemu dengan pemimpin pemikiran, pengamal pasaran, pembuat dasar dan pihak berkepentingan yang lain. Ini membantu SC merumus dasar dan meneroka cara baharu untuk mendekati masyarakat bagi memenuhi matlamat pembangunan mampan.

Pada September 2018, SC menyuarakan sokongan terhadap saranan Pasukan Petugas bagi Penzahiran Kewangan Berkaitan Iklim (TCFD) Lembaga Kestabilan Kewangan (FSB) yang bertujuan untuk memudah cara penzahiran syarikat mengenai kesan kewangan terhadap risiko dan peluang berkaitan iklim. Sehingga kini, lebih daripada 500 organisasi termasuk pengawal selia telah menyuarakan sokongan mereka terhadap TCFD.

SC turut mengambil bahagian dalam beberapa inisiatif global untuk meningkatkan profil Malaysia sebagai pusat bagi kewangan mampan:

CREATING GREEN BOND MARKETS: INSIGHTS, INNOVATIONS AND TOOLS FROM EMERGING MARKETS



Perkongsian Pengalaman mengenai Pasaran Bon Hijau Malaysia – Laporan Rangkaian Perbankan Mampan

Dengan sasaran untuk meningkatkan kebolehliahatan dan kesedaran mengenai bon hijau dan menyokong

penerbit dalam pasaran bon hijau, SC mengambil bahagian dalam projek International Finance Corporation (IFC) dan Inisiatif Bon Iklim (DBI) bagi Rangkaian Perbankan Mampan (SBN) untuk pasaran bon hijau. Diterbitkan pada September 2018, laporan tersebut turut mengandungi satu kajian kes ke atas pasaran bon hijau dan sukuk Malaysia.

Laporan tersebut merumuskan bahawa bon hijau ialah instrumen yang berkesan untuk membantu mencapai SDG. Di samping itu, garis panduan peringkat kebangsaan adalah penting untuk pembentukan pasaran bon hijau dalam pasaran pesat membangun.

Inisiatif Bursa Saham Mampan – Perkongsian amalan terbaik mengenai bagaimana pengawal selia sekuriti boleh menyokong SDG


SC berperanan sebagai anggota Kumpulan Penasihat kepada inisiatif Bursa Saham Mampan (SSE), berkongsi amalan terbaik mengenai bagaimana pengawal selia sekuriti boleh menyokong SDG.

HOW SECURITIES REGULATORS CAN SUPPORT THE SDGS: A SHARING OF EXPERIENCE IN PROMOTING SUSTAINABLE FINANCE



Laporan yang diterbitkan pada Oktober 2018 memberikan rangkuman menyeluruh mengenai kewangan mampan di seluruh dunia dengan 35 contoh daripada 19 pasaran, termasuk inisiatif SC dan ACMF. Ia mengkaji bagaimana dengan mandat sedia ada pengawal selia sekuriti mengambil tindakan ke atas risiko berkaitan kemampunan. Ia juga mengkaji bagaimana pengawal selia boleh menggalakkan SDG.

Carta 1

Kepelbagaiannya dalam peluang pembiayaan untuk perniagaan

Sumber: SC

Kumpulan Kerja Jawatankuasa Pasaran Pertumbuhan dan Pesat Membangun IOSCO mengenai Pembiayaan Mampan

SC merupakan pengurus bersama Kumpulan Kerja Jawatankuasa Pasaran Pertumbuhan dan Pesat Membangun (GEM) IOSCO mengenai Pembiayaan Mampan. Kerja-kerja yang dilaksanakan akan dimuatkan dalam satu laporan yang akan membincangkan, antaranya pembangunan instrumen mampan seperti bon hijau dan bon impak sosial serta menggalakkan kualiti penzahiran dan memperkuuh kapasiti keseluruhan dan kepakaran dalam isu-isu ESG dalam pasaran modal. Kerja-kerja yang dilaksanakan juga dijangka akan memudahcara satu tahap ketekalan di peringkat antarabangsa memandangkan ciri-ciri rentas sempadan dan global instrumen mampan terbabit.

MENGEMBANGKAN KAEADAH PEMBIAYAAN ALTERNATIF

Perusahaan mikro, kecil dan sederhana (PMKS) dan usahawan merupakan tunjang kepada ekonomi Malaysia, menyumbang 66% daripada jumlah keseluruhan pekerjaan dan 37.1% kepada jumlah

KDNK pada 2017. Seiring dengan pertumbuhan ekonomi digital, PMKS juga telah menyaksikan peralihan daripada perniagaan tradisional kepada perniagaan yang lebih banyak diterajui secara digital, mengubah cara mereka berinteraksi dengan pengguna. Menyedari kepentingan ekonomi dalam merangsang pertumbuhan dan pertumbuhan ekonomi, inisiatif dalam Belanjawan 2019 telah dicadangkan untuk menyokong pembangunan teknologi baharu dan memastikan pembiayaan yang mencukupi kepada usahawan melalui sumber pembiayaan konvensional dan alternatif.

Selaras dengan perkembangan ini, pasaran modal juga telah berkembang untuk memenuhi spektrum PMKS yang lebih besar. Walaupun sumber pembiayaan tradisional seperti perbankan, ekuiti dan hutang awam kekal relevan, kaedah pembiayaan alternatif seperti pendanaan ekuiti ramai (ECF), pembiayaan antara rakan setara (P2P), modal teroka (VC), ekuiti swasta (PE) Platform Pemecut Usahawan Utama (LEAP) pantas diterima sebagai pelengkap kepada saluran pendanaan tradisional.

Kaedah pembiayaan alternatif ini berjaya kerana ia membolehkan penerbit yang kurang diberi perhatian berhubung dengan kumpulan pelabur yang belum

TAHUKAH ANDA?

- 693 perniagaan telah dibiayai melalui ECF dan pembiayaan P2P sejak 2015.
- Enam platform pembiayaan P2P Malaysia telah mengumpul sebanyak RM180.05 juta pada 2018 – peningkatan sebanyak 452% daripada 2017. 93% daripada pelabur P2P merupakan pelabur ulangan.

dimanfaatkan secara tradisional, di samping menawarkan saluran penyampaian yang lebih murah, cepat dan mudah. Setiap saluran juga disesuaikan untuk memenuhi keperluan khusus perniagaan pada setiap peringkat kitaran hayat perniagaan mereka.

ECF dan VC distrukturkan untuk membantu usahawan baharu dan perniagaan peringkat permulaan mendapatkan pembiayaan peringkat pra-semai, semai dan awal. Sebaliknya, pembiayaan P2P, PE dan LEAP sesuai bagi syarikat yang lebih matang yang memerlukan modal kerja atau modal untuk pertumbuhan. Apabila perniagaan mencapai skala tertentu, mereka akan dapat memanfaatkan kaedah tradisional seperti ekuiti atau hutang awam. Kaedah-kaedah pembiayaan

ECF*




7 pengendali
platform ECF



51 kempen
ECF



50 PMKS berjaya
menjana modal



Usia
pelabur ECF



54% ialah
pelabur runcit



RM48.87 juta
dikumpul setakat ini

47% kempen
mengumpul sebanyak
RM500,000 dan ke
bawah



94% pelabur ECF
adalah warga
Malaysia

* Data terkumpul sejak dimulakan pada 2015.

ini bersama-sama dapat membantu memenuhi beberapa keperluan pembiayaan perniagaan Malaysia, ke arah pertumbuhan ekonomi negara.

Pembiayaan ECF dan P2P sebagai platform untuk PMKS untuk mengumpul dana


Walaupun PMKS menghadapi cabaran berterusan untuk mendapatkan pembiayaan, pertumbuhan nyata dalam saluran pembiayaan alternatif adalah sangat positif dan mencerminkan peranan sektor swasta dalam menyediakan pembiayaan kepada syarikat di pelbagai peringkat perkembangan.

Sejak 2015, 693 PMKS berjaya mengumpul modal berjumlah RM261.52 juta melalui platform ECF dan P2P. Pada 2018 sahaja, 616 PMKS mengumpul sejumlah RM195.11 juta melalui platform ini.

Data menunjukkan permintaan yang kukuh dan meningkat terhadap ECF dan pembiayaan P2P sebagai saluran alternatif bagi PMKS untuk mendapatkan pembiayaan peringkat awal dan modal untuk pertumbuhan. Ini selaras dengan salah satu objektif yang dinyatakan dalam Strategi Pasaran Digital SC untuk meningkatkan akses kepada pembiayaan. Sebagai sokongan kepada agenda keterangkuman kewangan SC, ECF dan

Pembiayaan P2P*


6 P2P pengendali platform pembiayaan



Usia pelabur pembiayaan P2P


2,505 kempen pembiayaan P2P


22% ialah penerbit ulangan


93% ialah pelabur ulangan dalam pelbagai kempen


643 PMKS berjaya menjana modal


RM212.65 juta dikumpul setakat ini


91% kempen mengumpul sebanyak RM200,000 dan ke bawah


99% pelabur P2P adalah warga Malaysia

* Data terkumpul sejak dimulakan.

KAJIAN KES MENGENAI PENERBIT ECF YANG BERJAYA



	MECAPAN	TAGLA	ITALENTPRO	SIGNATURE MARKET
Laman Sesawang	mecapan.com	tagla.com.my	italentpro.com	signaturemarket.co
Tahun Kempen	2018	2017	2016	2017
Jumlah Dikumpulkan	RM300,000.00	RM755,000.00	RM1,046,703.49	RM1,507,080.00
Industri	Kecantikan & Kosmetik	Teknologi	Teknologi	Makanan & Minuman
Platform	Ata Plus	CrowdPlus	FundedByMe	PitchIN
Huraian perniagaan	Mecapan ditubuhkan pada 2017 sebagai platform perkhidmatan kecantikan di Indonesia dengan visi #BreakingBarriersForBeauty. Platform ini membolehkan wanita dari semua peringkat usia untuk mencari penyedia perkhidmatan kecantikan yang sesuai dengan jadual, keperluan, lokasi dan bajet mereka.	Fokus TAG La ialah untuk mewujudkan dunia yang tiada keimbangan. Salah satu produknya, TAG La, ialah pencari item yang membantu orang ramai menjelajah item yang hilang dalam beberapa saat dengan menggunakan aplikasi mudah alih.	iTalentPro ialah platform digital HR yang mesra pengguna. Ia merupakan pembekal penyelesaian modal insan berdasarkan konsep awan yang membolehkan organisasi merealisasikan potensi tenaga kerja semasa dan masa depan mereka.	Signature Market ialah platform eDagang yang menjual barang yang dipakej secara terus kepada pengguna.



signature market

	MECAN	TAGLA	ITALENTPRO	SIGNATURE MARKET
Alasan PMKS memilih ECF dan pengalaman mereka mengumpul dana	Ata Plus membantu Mecapan dengan baik dalam kempen pengumpulan dana dengan memberi maklum balas yang berguna dan memudahkan carakan pertemuan dengan pelbagai kumpulan individu berpengaruh.	CrowdPlus memberi akses TAG La kepada pelbagai kumpulan pelabur dan sumber. Para pelabur ini seterusnya boleh menjadi duta jenamanya.	FundedByMe membantu mengembangkan rangkaian iTalentPro melalui pelabur ECF, yang boleh memilih untuk menyumbang kepada pengembangan perniagaannya. Kaedah pengumpulan dana ini juga membolehkan iTalentPro menerima cadangan berguna daripada pelabur yang berfikiran sama.	PitchIN telah membantu Signature Market memanfaatkan ECF sebagai kaedah mengumpul modal.
Manfaat dan cabaran utama	Manfaat <ul style="list-style-type: none"> Membuka akses kepada kumpulan pelabur baharu; Membolehkan pelabur memberi maklum balas membina untuk pertumbuhan seterusnya; dan Menawarkan saluran bagi syarikat peringkat semai untuk mendapatkan panduan yang diperlukan dan sokongan pengumpulan dana. 	<ul style="list-style-type: none"> Membolehkan pelabur menyumbang dan mengambil bahagian dalam perniagaan sebagai pembimbing dan duta jenama. 	<ul style="list-style-type: none"> Membuka akses yang lebih luas kepada pelbagai rangkaian pelabur – tempatan, asing, runcit dan sofistikated; dan Menawarkan lebih banyak terma dan syarat yang lebih saksama bagi semua pihak berbanding keadah pengumpulan dana lain. 	<ul style="list-style-type: none"> Menyediakan platform berguna bagi pengesahan perniagaan; dan Meningkatkan kebolehlilahan syarikat bagi pembiayaan susulan.
	Cabarani <ul style="list-style-type: none"> Instrumen pembelajaran bagi pengumpulan dana yang berkesan Mengurus dokumen perundangan; dan Belajar untuk menerima maklum balas kritikal 	<ul style="list-style-type: none"> Mengurus kumpulan pelabur dengan pemikiran dan pendapat yang berbeza di samping kekal tegas mengenai hala tuju syarikat 	<ul style="list-style-type: none"> Belajar untuk berkomunikasi dengan pelbagai pelabur dari negara berbeza; Mengurus jangkaan kumpulan pelabur yang lebih besar; dan Mengurus dokumen perundangan dengan cekap. 	<ul style="list-style-type: none"> Belum berhadapan dengan mana-mana cabaran setakat ini.

** Nota: Respon temuramah di atas telah diringkaskan.

pembiayaan P2P juga telah menarik banyak penyertaan daripada pelabur runcit dan belia berusia di bawah 35 tahun, masing-masing sebanyak 82% dan 54% daripada jumlah pelabur.

Pada 5 Julai 2018, SC mempelawa permohonan baharu bagi pengendali ECF dan pembiayaan P2P. Permohonan tersebut kini sedang dinilai dan SC akan membuat pengumuman mengenai pengendali yang berjaya pada separuh pertama 2019.

Pengenalan pengendali ECF dan pembiayaan P2P baharu ini adalah untuk memberi perkhidmatan kepada rangkaian penerbit dan pelabur yang lebih meluas di seluruh sektor dan segmen yang berlainan.

LEAP terus berkembang

Pasaran LEAP yang dilancarkan oleh Bursa Malaysia terus berkembang dalam memenuhi matlamatnya untuk menyediakan platform penjanaan modal untuk PKS yang melengkapkan saluran pengumpulan modal lain. Pada 2018, 10 PKS⁶ berjaya mengumpul sebanyak RM57.43 juta di pasaran LEAP, menjadikan jumlah yang dikumpul sejak penubuhannya pada Julai 2017 kepada RM69.93 juta.

13 syarikat yang diperbadankan di Malaysia dalam pasaran LEAP pada masa ini adalah dari pelbagai sektor termasuk teknologi, penjagaan kesihatan, produk dan perkhidmatan pengguna dan perindustrian, serta telekomunikasi dan media.

VC dan PE – menyokong ekosistem pembiayaan

VC dan PE merupakan komponen penting dalam ekosistem pembiayaan keusahawanan Malaysia. Di samping menyediakan modal kewangan, pengurus VC dan PE juga memberi panduan kepada perniagaan untuk mempercepat dan merealisasikan potensi pertumbuhan mereka. Sebagai kelas aset, pelaburan dalam dana VC dan PE menawarkan peluang untuk kepelbagai portfolio untuk pelabur institusi dan individu bernilai tinggi.

Setakat 2018, industri VC dan PE Malaysia menyaksikan jumlah komitmen dana sebanyak RM6.08 bilion. Cabaran utama pertumbuhannya adalah penyertaan terhad pelabur institusi dan swasta. Akibatnya, sebahagian besar pembiayaan dalam industri diperoleh daripada dana kerajaan. Untuk menangani isu ini, usaha pembangunan pada 2018 ditumpukan kepada:

1. Meningkatkan kesedaran mengenai VC dan PE dalam pasaran modal Malaysia, dan
2. Menggalakkan penyertaan pelabur swasta dalam VC dan PE.

Untuk meningkatkan kesedaran mengenai VC, bengkel setengah hari untuk VC dan syarikat peringkat permulaan dari rantau ASEAN telah dianjurkan pada 8 Februari 2018 bersempena Simposium Pasaran Modal Dunia. Melalui kerjasama dengan CMM dan wakil-wakil industri terpilih, bengkel ini memberikan peserta dengan rangkuman mengenai landskap VC Malaysia yang meliputi peraturan-peraturan kepada insentif yang sedia ada dalam ekosistem pembiayaan dan keusahawanan.

SC juga menyokong Persidangan Modal Teroka & Ekuiti Swasta Asia Tenggara 2018 yang berlangsung pada 31 Julai 2018. Dianjurkan oleh Persatuan Modal Teroka dan Ekuiti Swasta Malaysia, persidangan tersebut merangkumi perbincangan mendalam mengenai trend dan peluang pelaburan di Asia Tenggara.

Susulan Belanjawan 2018, Jawatankuasa Penyelaras Dana Modal Teroka (VCFCC) telah ditubuhkan untuk melaksanakan program pengagihan dana VC sebanyak RM1 bilion. Pengagihan ini bertujuan, antara lain, untuk menggalakkan pembentukan dana VC baharu, menangani jurang pembiayaan dalam ekosistem keusahawanan dan mengukuhkan kepakaran profesional VC Malaysia. VCFCC, yang dipengerusikan oleh SC dan terdiri daripada wakil-wakil dari pelabur institusi domestik utama, menentukan kriteria kelayakan minimum untuk pengagihan serta memudahkan cara semakan dan pemilihan cadangan dana untuk pengagihan ini.

⁶ Jumlah PKS di pasaran LEAP pada 2018 adalah 11, di mana satu PKS adalah dalam bentuk ‘cadangan penyenaraian melalui pengenalan keseluruhan modal saham yang diterbitkan’, tanpa mengumpul dana.



Persidangan Fintech 2018 Memanfaatkan Teknologi

SC menganjurkan Persidangan Fintech Kerjasama Bersinergi oleh SC (SCxSC) pada 28 & 29 November 2018. Persidangan kelima ini meneroka penggunaan teknologi inovatif dalam pasaran modal dan meningkatkan kesedaran dalam inovasi Fintech yang baru muncul, sejajar dengan tema, "Memanfaatkan Teknologi". Persidangan ini dimuatkan dengan pelbagai perbincangan panel interaktif dan bengkel yang menampilkan penceramah terkenal di peringkat antarabangsa bagi topik seperti kecerdasan buatan (AI), keselamatan siber dan teknologi blok rantai dalam konteks perkhidmatan kewangan.



Clara Durodie,
Pengerusi Eksekutif,
Kumpulan Cognitive
Finance



Zoe Rose,
Penggodam
Beretika, Baringa
Partners



Michael Casey,
Pengarang bersama
The Age of
Cryptocurrency and the Truth Machine



Lim Guan Eng,
Menteri Kewangan

"Penerapan teknologi baru ini penting bagi Malaysia untuk keluar dari perangkap pendapatan pertengahan dan mula mengaum semula sebagai Harimau Asia yang berwibawa"

"PMKS bukan hanya satu kuasa besar masa depan tetapi juga berfungsi sebagai ruang untuk memupuk kreativiti dan inovasi"

Datuk Syed Zaid Albar,
Pengerusi SC



Penyiapan Projek Castor telah menghasilkan "Rangka Tindakan Reka Bentuk Modal Pasaran dalam Dunia yang Dinyaupus". Ia menggariskan infrastruktur pasaran di mana pasaran yang tidak berpusat dibolehkan oleh Teknologi Lejar Teragih.

PENGUMUMAN UTAMA

DANA PELABURAN BERSAMA

Dana RM50 juta akan dipadankan dengan pelabur dari sektor swasta mengikut asas 1 kepada 4 bagi pelaburan ECF dan P2P

SESI BERASINGAN

- Hari Pelabur Pendanaan Ekuiti Ramai
- Demonstrasi pembiayaan P2P oleh pengendali platform berdaftar
- Demonstrasi pengurusan pelaburan digital
- Hari demonstrasi Supercharger



Permintaan Cadangan (RFP) telah dilancarkan pada 3 Mei 2018 untuk mempelawa pengurus VC yang berminat mendapatkan komitmen pendanaan daripada pelabur dalam VCFCC, mengemukakan cadangan mereka. Program ini menarik minat pengurus VC domestik dan antarabangsa. Sebanyak 60 cadangan diterima dan disemak oleh VCFCC.

Tawaran syiling awal dan bursa aset digital




SC kekal berhati-hati dalam memantau aktiviti-aktiviti dalam bidang aset digital serta perkembangan kawal selia lain di seluruh dunia. Sepanjang 2018, langkah-langkah diambil untuk mengadakan pembabitan bersama dengan pasaran serta pihak berkepentingan utama untuk memahami aset digital dan tawaran syiling awal (ICO) dengan lebih mandalam. Ini termasuk meningkatkan usaha pendidikan mengenai penipuan, terutamanya melalui program InvestSmart®. Sekiranya perlu, SC mengambil tindakan kawal selia, dan akan terus berbuat demikian, untuk menghalang dan menghentikan skim yang melanggar undang-undang sekuriti.

Aset digital dan ICO boleh menjadi satu alternatif untuk pembiayaan peringkat awal serta kelas pelaburan baharu bagi pelabur, dengan syarat mereka dimanfaatkan dengan cara yang betul dengan perlindungan yang sesuai. Peraturan kawal selia kini sedang dilaksanakan untuk memasukkan aset digital dalam undang-undang sekuriti untuk menggalakkan dagangan yang adil dan teratur dan memastikan perlindungan pelabur. SC akan mengawal selia penerbitan aset digital melalui ICO dan dagangan aset digital di bursa aset digital di Malaysia. Untuk melaksanakan rangka kerja pengawalseliaan terhadap aset digital, SC dan Bank Negara Malaysia (BNM) akan memeterai perjanjian penyelarasan untuk memastikan pematuhan terhadap undang-undang dan peraturan di bawah bidang kuasa kedua-dua pengawal selia. Rangka kerja pengawalseliaan tersebut disasarkan untuk dilancarkan pada awal 2019.

MEMUDAH CARA KETERANGKUMAN PELABUR YANG LEBIH BESAR

Kesedaran dalam kalangan rakyat Malaysia tentang perlunya memberi lebih penekanan terhadap pengurusan dan peningkatankekayaan mereka semakin meningkat. Penduduk Malaysia berjumlah

Kepelbagaian dalam penduduk Malaysia mendorong kepada keperluan pelaburan yang berbeza



Nota:

* Jabatan Statistik Malaysia, Q3 2018

** Global Entrepreneurship Monitor 2017/18

*** Statistik Pembayaran BNM Q3 2018

sekitar 32 juta terdiri daripada tenaga kerja yang pelbagai, populasi belia yang besar dan segmen pelabur mewah dan sofistikated yang berkembang. Dengan rangkaian pelabur yang mempunyai matlamat pelaburan dan selera risiko yang berbeza, kewujudan satu set produk pasaran modal yang komprehensif serta akses kepada nasihat dan perkhidmatan pelaburan adalah penting. Ia menyediakan pelabur dengan pelbagai pilihan dan membolehkan mereka membuat keputusan pelaburan termaklum.

Atas alasan ini, SC memberi tumpuan bukan sahaja terhadap inovasi produk tetapi juga meningkatkan perkhidmatan nasihat pelaburan, perancangan kewangan dan pengurusan portfolio dalam pasaran. Wujudnya pilihan pelaburan yang lebih luas membolehkan kepelbagaian risiko pelabur, membantu mereka mengimbangi risiko dan pulangan. Dari perspektif yang lebih luas, ia juga akan menggalakkan mobiliti simpanan pelabur untuk memenuhi keperluan pembiayaan penerbit dalam pasaran modal.

Pada 2018, SC memulakan satu siri inisiatif untuk menambah baik dan memastikan rangkaian peluang yang luas untuk memenuhi pelbagai keperluan pelabur – dari pelabur runcit muda kepada pelabur sofistikated berpengalaman – untuk membantu mereka mengurus dan meningkatkankekayaan mereka.

Memperkenalkan rangka kerja bagi penawaran Kontrak Perbezaan OTC

Menyedari keperluan pelabur terhadap instrumen dagangan yang lebih canggih, SC memperkenalkan rangka kerja pertama untuk produk derivatif di kaunter (OTC) – Kontrak untuk Perbezaan (Contracts for Difference – CFD). Susulan perundingan industri, *Guidelines on Contracts for Difference* telah dikeluarkan pada 1 April 2018 dan berkuat kuasa pada 1 Julai 2018.

CFD membolehkan pelabur mengambil bahagian dalam pergerakan harga instrumen pendasar

berdasarkan leveraj. Disebabkan oleh kerumitan CFD, rangka kerja ini dilaksanakan melalui pendekatan berfasa dengan CFD kini ditawarkan kepada pelabur sofistikated. Di samping itu, instrumen pendasar CFD dihadkan kepada indeks saham dan ekuiti.

Untuk mengakses produk ini, pelabur berdagang secara terus dengan penyedia CFD berlesen yang akan bertindak sebagai prinsipal sehingga kedudukan itu ditutup. Memandangkan ciri dua hala dagangan ini, SC akan memantau dengan teliti sistem pengurusan risiko dan kawalan dalaman penyedia CFD untuk memastikan pendedahan risiko kredit kepada dan daripada pelanggan mereka diurus dengan baik. Di samping itu, SC membenarkan pelanggan penyedia CFD mengakses Dana Pampasan Pasaran Modal (CMCF) sekiranya mana-mana pembekal CFD⁷ mungkir.

Rangka kerja baharu ini seiring dengan usaha berterusan SC untuk menggalakkan pertumbuhan melalui peluasan skop perniagaan pengantara dalam pasaran derivatif.

Menyokong keperluan untuk kepelbagaian portfolio melalui rangka kerja bon dan sukuk runcit yang dipertingkatkan

Akses telah lama menjadi isu bagi pelabur individu yang berminat melabur dalam bon korporat dan sukuk Malaysia. Secara tradisi syarikat-syarikat menumpukan kepada pengeluaran bon dan sukuk korporat kepada pelabur institusi. Oleh itu, walaupun Malaysia merupakan pasaran bon ketiga terbesar di Asia (relatif kepada KDNK)⁸ dan pasaran sukuk terbesar di dunia⁹, penyertaan pelabur runcit masih rendah. Usaha-usaha besar telah dilaksanakan sepanjang 2018 untuk meningkatkan akses pelabur runcit kepada segmen pasaran ini.

Pada September 2018, pelbagai langkah untuk menyemak rangka kerja bon dan sukuk runcit telah dilancarkan. Rangka kerja sedia pasaran baharu telah diperkenalkan untuk meningkatkan akses

⁷ Semua penyedia CFD menyumbang kepada CMCF.

⁸ Asian Bond Online – <http://asianbondsonline.adb.org>

⁹ Malaysian International Islamic Financial Centre (MIFC).

TAHUKAH ANDA?

- Bon korporat dan sukuk yang sebelum ini hanya terbuka kepada pelabur sofistikated kini boleh ditawarkan kepada pelabur runcit di Malaysia tanpa prospektus sekiranya mereka memenuhi syarat tertentu. Di samping itu, rangkaian bon dan sukuk korporat yang ditawarkan kepada pelabur runcit juga telah diperluaskan melangkaui bon biasa.

pelabur runcit kepada bon korporat dan sukuk sedia ada yang kini didagangkan oleh pelabur sofistikated dalam pasaran OTC. Untuk layak bagi akses oleh pelabur runcit di bawah rangka kerja ini, bon korporat dan sukuk antara lain, dikehendaki berada dalam pasaran selama sekurang-kurangnya 12 bulan dan mempunyai penarafan kredit minimum A.

Garis panduan juga dipertingkatkan untuk membolehkan penerbit yang memenuhi kriteria tertentu menerbitkan lembaran sorotan produk (PHS), tidak perlu prospektus penuh. Rangkaian bon dan sukuk korporat yang boleh ditawarkan kepada pelabur runcit juga telah ditambah melangkaui bon biasa termasuk hutang subordinat serta bon dan sukuk kekal yang diterbitkan oleh bank berlesen.

Mempertingkatkan keperluan penzahiran syarikat tersenarai

Keperluan penzahiran juga disemak semula untuk prospektus ringkas dan pekeliling yang berkaitan. *Prospectus Guidelines and Equity Guidelines* yang dipinda pada Disember 2018 berfungsi untuk membimbing syarikat tersenarai menyediakan dokumen tersebut supaya ia lebih mesra pembaca. Ia juga memerlukan penzahiran ditumpukan kepada maklumat yang bermakna untuk membantu pemegang saham membuat keputusan pelaburan termaklum.

Mibenarkan dana dagangan bursa khusus

Pada 26 November 2018, *Guidelines on Exchange-Traded Funds* telah dipertingkatkan untuk membolehkan penerbitan dana dagangan bursa (ETF) khusus seperti ETF berasaskan niaga hadapan, ETF Leveraj dan Berbalik (L&I), ETF Sintetik, ETF komoditi yang sokong secara fizikal konvensional dan ETF beta pintar.

ETF komoditi yang disokong secara fizikal biasanya menjelaki harga komoditi tertentu seperti emas dan perak. ETF beta pintar menjelaki prestasi indeks berasaskan peraturan alternatif - yang dibina secara berbeza daripada indeks berwajaran modal yang biasa dengan mengambil kira pelbagai faktor, seperti ketaktentuan dan dividen, dengan tujuan untuk meningkatkan pulangan.

ETF leveraj bermatlamat menyediakan pelbagai pulangan harian indeks pendasar. Sebaliknya ETF Berbalik pula dibina dengan tujuan untuk mendapat manfaat daripada pasaran menurun. Rangka kerja yang disemak semula itu membolehkan faktor maksimum dua kali untuk ETF Leveraj, manakala ETF Berbalik dihadkan kepada faktor maksimum satu kali.

Selain daripada potensi pertumbuhan dalam permodalan pasaran yang disebabkan oleh perluasan jenis ETF yang dibenarkan, pengenalan ETF L&I dapat merangsang peningkatan pulangan ETF disebabkan tempoh pegangan pelaburan yang singkat oleh pelabur berorientasikan dagangan yang aktif.

Disebabkan oleh kerumitan ETF L&I, bakal pelabur runcit mesti memenuhi kriteria pra-kelayakan tertentu sebelum mereka boleh melabur dalam produk ini. Peruncit yang tidak memenuhi kriteria pra-kelayakan mesti menjalani modul e-pembelajaran yang dibangunkan oleh Bursa Malaysia serta simulator prestasi yang disediakan oleh syarikat pengurusan ETF L&I sebelum mereka boleh melabur dalam ETF L&I.

Pelancaran ETF baru

2018 juga menyaksikan ETF berdenominasi asing pertama disenaraikan di Bursa Malaysia yang mengikuti Indeks Dow Jones Islamic Market US Titans 50. Ini membawa jumlah keseluruhan ETF yang disenaraikan kepada 10. Pasaran ETF Malaysia terus mencatatkan trajektori positif dengan permodalan pasaran mencapai RM1.98 bilion pada akhir 2018.

Skim persaraan swasta sebagai saluran untuk memenuhi keperluan persaraan


Sebagai satu perantara untuk mengukuhkan tonggak persaraan negara, skim persaraan swasta (PRS) menyediakan kesejahteraan kewangan ahli-ahli selepas mereka bersara, merancang lebih baik menggunakan dana PRS yang paling sesuai dengan keperluan mereka. Walaupun terdapat pertumbuhan berterusan dalam industri PRS dengan jumlah aset bawah pengurusan (AUM) mencecah RM2.7 bilion dan 416,000 ahli, masih terdapat keperluan untuk meningkatkan tahap kesedaran

dalam kalangan rakyat Malaysia mengenai keperluan persaraan mereka. Ini menjelaskan peranan penting yang dimainkan oleh Pentadbir Pencen Swasta Malaysia (PPA) dalam meningkatkan kesedaran dan penyertaan.

Untuk meningkatkan jangkauan dan menyediakan perkhidmatan yang lebih baik untuk para pelabur, penambahbaikan telah dibuat kepada ekosistem dengan pendigitalan PRS oleh PPA, termasuk pengenalan aplikasi mudah alih dan pendaftaran dalam talian. Penggunaan saluran digital ini semakin meningkat, dengan jumlah keseluruhan transaksi sebanyak RM61 juta dilakukan dalam talian sejak dimulakan.

Untuk menggalakkan golongan belia melakukan simpanan awal untuk persaraan, Insentif PRS Belia lima tahun telah diperkenalkan pada awal 2014. Apabila insentif ini berakhir pada tahun 2018, keahlian belia di bawah usia 30 tahun meningkat kepada hampir 33% pada akhir bulan December 2018 daripada hanya 7% daripada jumlah keahlian PRS pada 2014.

Diagram 2
Pertumbuhan AUM PRS



Sumber: SC

* Data sehingga akhir 2018.

Diagram 3

Pencapaian utama PRS

Permulaan insentif 5 tahun PRS bagi para belia

Belia berumur antara 20-30 tahun akan diberikan bayaran insentif sekali sebanyak RM500 oleh kerajaan dengan caruman minimum sebanyak RM1,000 dalam mana-mana dana PRS.



Berakhirnya inisiatif PRS bagi belia

Pada penghujung tempoh lima tahun, objektif untuk menggalakkan belia untuk menabung bagi persaraan mereka telah tercapai, yang mana sebanyak RM104.05 juta telah dikeluarkan oleh kerajaan.

Peningkatan insentif PRS kepada para belia

Kerajaan akan memadankan sebanyak RM1,000 yang terkumpul dalam akaun belia dengan sumbangan bersama pihak kerajaan sebanyak RM1,000.

Pelancaran platform tambah caruman dalam talian PRS

Fasa pertama penggunaan penyelesaian digital menyaksikan platform tambah caruman dalam talian bagi pencarum semasa. Dikendalikan oleh PPA, platform ini memberi akses kepada dana PRS kesemua lapan penyedia PRS.

Pengenalan aplikasi mudah alih dan pendaftaran dalam talian

Pembangunan modul pendaftaran menandakan fasa kedua penyelesaian digital dengan matlamat untuk menarik pencarum baharu untuk menabung bagi persaraan mereka melalui PRS. development of the enrolment module Aplikasi mudah alih PRS juga telah diperkenalkan dengan kemudahan akses kepada akaun PRS mereka.

Diagram 4

Pencarum PRS mengikut kumpulan umur




Diagram 5

Pencarum PRS mengikut jantina




Diagram 6


Dana pilihan pencarum PRS

Diagram 7



Pengeluaran oleh pencarum PRS

Diagram 8

Pecahan mengikut jenis pekerjaan**Meningkatkan keterangkuman kewangan melalui Pengurusan Pelaburan Digital**

SC menyedari bahawa pengenalan perkhidmatan pelaburan melalui saluran digital melengkapkan pelaburan luar talian sedia ada dan membolehkan lebih banyak pelabur, terutamanya mereka yang kurang diberi perhatian, untuk mengakses perkhidmatan ini pada kos yang berpatutan. Ini merupakan sebahagian daripada usaha berterusan SC untuk menggalakkan keterangkuman kewangan memanfaatkan teknologi.

Pelancaran rangka kerja Pengurusan Pelaburan Digital (DIM) pada Mei 2017 disasarkan untuk menggalakkan kedua-dua pemain pasaran baru dan sedia ada untuk membangunkan kaedah yang inovatif dan lebih berkesan untuk menyediakan produk dan perkhidmatan berkualiti tinggi kepada para pelabur dengan memanfaatkan pendigitalan.

Berikut pelancaran rangka kerja tersebut, SC mendapati peserta pasaran tempatan dan serantau – peserta peringkat permulaan menunjukkan minat yang kuat untuk memohon lesen DIM. Melalui makmal pembabitan bersama Perikatan Komuniti FinTech (aFINity), SC telah mengadakan pembabitan bersama secara berterusan dengan peserta pasaran tersebut untuk membimbing mereka dalam memenuhi keperluan kesediaan apabila memohon lesen DIM kelak. Pembabitan bersama DIM merangkumi 41% daripada jumlah pembabitan bersama yang dilaksanakan melalui makmal pembabitan bersama aFINity pada 2018.

Pada Oktober 2018, StashAway Malaysia diberikan lesen DIM pertama diikuti oleh kelulusan kepada satu lagi firma pada November. Dengan kemasukan pelbagai rangkaian firma DIM, para pelabur akan dapat mengakses mod pelaburan baharu yang mudah, berpatutan dan boleh diakses, untuk mengurus dan mengembangkan kekayaan mereka.

aFINity

aFINity berfungsi sebagai titik tumpuan untuk inisiatif pembangunan dalam bidang Fintech. Dengan pengoperasian perjanjian jalinan Fintech, aFINity juga berfungsi sebagai penghubung kepada hab inovasi lain. Pada 2018, aFINity menyaksikan 109 pembabitan bersama melibatkan 91 peserta. Untuk melengkapkan usaha ini, SC menganjurkan dua aliran Makmal Inovasi setiap satu memberi tumpuan kepada bidang tertentu:

Makmal Pembabitan Bersama



Dijalankan untuk menguji dan menilai konsep perniagaan utama seperti ECF, pembiayaan P2P, Perkhidmatan Pengurusan Pelaburan Digital dan Sistem Dagangan Alternatif.

Makmal Teknologi



Lazimnya timbul daripada keperluan tertentu industri atau menggunakan kes dan boleh digunakan untuk membangunkan penyelesaian bukti konsep. Makmal-makmal ini telah dijalankan dengan kerjasama penyedia teknologi, dengan penyertaan daripada peserta industri. Pada November 2018, SC mengumumkan Projek Castor – projek perintis untuk meneroka penggunaan Teknologi Ledger Teragih (DLT) dalam persekitaran pasaran yang dikawal selia. Ini telah dimuatkan dalam rangka tindakan industri bertajuk *Capital Market Architecture Blueprint in a Decentralised World*.

aFINity kini mempunyai 210 ahli berdaftar sebagai sebahagian daripada komunitinya dan telah mengadakan sebanyak 216 pembabitan sejak ditubuhkan.

Diagram 9

Demografik ahli aFINity*





Diagram 10

Topik pembabitan aFINity*



* Data terkumpul sejak permulaanya pada 2015.

Memudahcarakan pengembangan perancang kewangan

Dengan meningkatnya inovasi produk, perancang kewangan terus memainkan peranan penting dalam memberikan nasihat yang sesuai dan profesional kepada para pelabur. Menyedari hal ini, SC terus memacu pertumbuhan industri.

Pada 2018, SC meliberalisasikan struktur fi untuk Penasihat Skim Amanah Saham Korporat (CUTA) dan Penasihat Skim Persaraan Swasta Korporat (CPRA). Menyedari kelainan strategi perniagaan yang digunakan, liberalisasi tersebut memberikan lebih banyak kelonggaran kepada CUTA dan CPRA untuk menentukan model perniagaan dan ganjaran masing-masing.

Hasilnya, kesemua 17 CUTA dan CPRA¹⁰ dibenarkan untuk mewujudkan dan mengendalikan model mentor dalam firma mereka. Di bawah struktur ini, perancang kewangan muda ditugaskan bersama perancang berpengalaman untuk mendapatkan pengetahuan praktikal dan membina kemahiran insani, sambil membantu mengekalkan pengetahuan intelektual dalam firma tersebut. Sebagai pertukaran untuk mentor dan bimbingan, ganjaran boleh dikongsi antara pembimbing dan individu yang dibimbing.

Struktur fi CUTA dan CPRA yang diliberalisasikan memudah cara pengembangan industri kerana ia menggalakkan pembangunan profesional pengamal baru dalam industri perkhidmatan kewangan beralih menjadi perancang kewangan berlesen. Para pelabur mendapat manfaat daripada nasihat berkualiti dan menyeluruh yang ditawarkan oleh perancang kewangan di firma CUTA dan CPRA.

Inisiatif lain untuk mengembangkan segmen ini termasuk pelancaran laman web SmartFinance di persidangan perancangan kewangan tahunan pada Julai 2018. Dibiayai oleh Dana Pembangunan Pasaran Modal (CMDF), portal ini bertujuan untuk mendekati lebih ramai pelabur. Ia merupakan usaha kolektif industri yang diketuai oleh Persatuan Perancangan Kewangan Malaysia (FPAM).

SmartFinance menampilkan isi kandungan yang adil dan bebas, dilengkapi dengan perkakasan kewangan. Ia mengamalkan pendekatan interaktif dalam mendidik orang ramai melalui video antara lain mengenai pelaburan, perancangan persaraan dan pengurusan wang. Keunikan portal ini ialah pelabur dapat berhubung secara langsung dengan perancang kewangan berlesen berdasarkan lokasi, bidang pengkhususan dan pelbagai fi perancangan.

MENDORONG PASARAN MODAL YANG LEBIH BINGKAS DAN CEKAP

Pasaran modal merupakan enjin pertumbuhan penting bagi ekonomi negara – ia memudah cara penukar simpanan pelabur kepada modal untuk perniagaan, yang membolehkan aliran dana kepada usahawan, seterusnya menghasilkan pulangan untuk pelabur sama ada dalam bentuk keuntungan modal atau dividen atau kedua-duanya.

Pasaran modal yang bingkas dan cekap akan menyaksikan penyertaan yang lebih banyak daripada pelabur dan penerbit. Ini akan meningkatkan kecairan pasaran, penambahbaikan dalam penemuan harga, dan pengurangan kos pengumpulan modal, dengan itu memudahkan pembentukan modal, pewujudankekayaan dan peruntukan sumber.

Pasaran ekuiti khususnya telah menyaksikan perubahan dinamik dalam tahun-tahun kebelakangan ini berikutan daripada peralihan tingkah laku dan keperluan pelabur, evolusi teknologi serta permintaan kawal selia yang lebih tinggi untuk ketelusan dan pengurusan risiko yang lebih baik. Di samping itu, pasaran ekuiti Malaysia juga menyaksikan persaingan yang semakin sengit daripada ekonomi pasaran pesat membangun yang lain.

Trend ini mengganggu bukan sahaja cara pelabur berdagang sekuriti, tetapi juga memberi impak kepada nilai perantara dan jenis perkhidmatan yang ditawarkan, model pendapatan dan kecekapan penyelesaian. Untuk terus berdaya saing, pasaran ekuiti Malaysia dan ekosistemnya perlu berkembang agar menjadi lebih bingkas dan cekap.

¹⁰ Data setakat akhir Disember 2018.

Diagram 11

Mengubah dinamik pasaran



Ke arah pasaran sekunder yang lebih bingkas dan cekap

SC memberi tumpuan kepada pemangkin yang dikenal pasti dalam tiga bidang utama:

- Menggalakkan kecekapan struktur pasaran:** Untuk memenuhi pelbagai keperluan rangkaian pelabur yang lebih luas, memerlukan struktur pasaran yang cekap dengan pengantara dan instrumen yang pelbagai. Pelabur dan penerbit boleh mengambil bahagian dalam pasaran dengan lancar.
- Meningkatkan pengiktirafan nilai penerbit:** Terdapat beraneka jenis model dan saiz perniagaan di Malaysia, yang membawakan cadangan nilai yang pelbagai kepada pelabur. Pengiktirafan nilai yang lebih baik bagi penerbit tersenarai meningkatkan minat pelabur dan menggalakkan lebih banyak aktiviti dagangan.


3. **Menggalakkan penyertaan pelabur yang lebih pelbagai:** Himpunan pelbagai pelabur yang lebih besar, dilengkapi dengan penggunaan pelbagai strategi perdagangan boleh membawa kepada kecairan dan kerancakan yang lebih baik dalam pasaran.

Walaupun usaha dilaksanakan untuk menangani pasaran dan ekosistemnya, landskap makroekonomi memainkan peranan penting dalam kerancakan pasaran ekuiti.

Lebih kepelbagaian dalam instrumen dan strategi dagangan

Berikutan pengenalan broker ekuiti digital pertama di Malaysia pada 2017, industri mengalami perubahan paradigma dalam pendekatan yang diambil untuk menentukur pengambilalihan pelanggan, struktur fi dan model perniagaan. Pada 2018, tumpuan diberikan kepada pemerkasaan pelabur melalui instrumen dagangan dan strategi yang lebih pelbagai untuk menggalakkan aktiviti dagangan.

Diagram 12

Pemangkin ke arah pasaran sekuriti sekunder yang bingkas dan berkesan

- **Jualan Singkat Intra Hari untuk semua pelabur**
- **Mendorong pertumbuhan lanjut amanah pelaburan harta tanah tersenarai**

Sebelum ini, hanya digunakan oleh Pedagang Proprietari Harian, Jualan Singkat Intra Hari (IDSS) membolehkan para pelabur melakukan dagangan harian, iaitu menjual sekuriti terlebih dahulu dan kemudian membeli semula untuk menutup kedudukan dalam hari dagangan yang sama. Pada April 2018, IDSS diperluaskan kepada semua pelabur untuk memberikan fleksibiliti yang lebih besar bagi pengambilan kedudukan dan pengurusan risiko, sambil meningkatkan kecairan pasaran ekuiti Malaysia.

Garis Panduan yang disemak semula yang dikeluarkan oleh SC pada Mac 2018 mengenai Amanah Pelaburan Hartanah Tersenarai (*Garis Panduan REIT Tersenarai*) mengandungi langkah-langkah yang akan memberikan peluang yang lebih besar kepada REIT¹¹, yang membolehkan antara lain:

- pembangunan semula harta tanah sedia ada dan memperoleh tanah untuk tujuan membangunkan harta tanah baru untuk meningkatkan portfolio harta tanah jana-pendapatan; dan

¹¹ REIT yang dimulakan dengan mana-mana aktiviti ini adalah tertakluk kepada had pelaburan, keperluan penzahiran tambahan, dan dalam beberapa kes, mendapatkan kelulusan pelabur.

KEPERLUAN PEMATUHAN BAGI IDSS

Untuk memastikan aktiviti IDSS tertakluk kepada kawalan yang mencukupi, Peraturan Bursa Malaysia Securities telah dipinda dengan memasukkan perlindungan yang wajib. Ini termasuk keperluan pematuhan berikut:



Mengekalkan kestabilan pasaran

- Pengantungan IDSS sekiranya harga saham jatuh lebih daripada 15% daripada harga penutupan hari sebelumnya atau jika jumlah jualan singkat kasar melebihi had 3% daripada jumlah saham tertunggak bagi setiap sekuriti.
- Semua kedudukan jualan mesti ditutup pada hari yang sama dengan kedudukan belian untuk meminimumkan potensi gangguan sistem.



Melindungi kepentingan pelabur

- Memeterai perjanjian untuk meminjam atau membeli sekuriti untuk menyelesaikan sebarang potensi dagangan gagal sekiranya kedudukan jualan tidak ditutup pada penghujung hari.
- Melaksanakan pernyataan penzahiran risiko IDSS.
- Mengemukakan perakuan bertulis yang menyatakan mereka benar-benar memahami kepeluan IDSS.



Memastikan kawalan broker yang mencukupi

- Penilaian penyesuaian Kenali Pelanggan Anda yang teliti.
- Penandaan semua cadangan tempahan IDSS.

- melakukan pajakan jangka panjang ke atas harta tanah.

Pengembangan aktiviti yang dibenarkan kepada REIT membolehkan potensi penambahbaikan prestasi REIT, yang akan meningkatkan daya tarikannya sebagai pilihan pelaburan.

Pertumbuhan yang lebih baik di seluruh rantai nilai industri

Untuk kekal berdaya saing dan relevan, adalah penting bagi perantara untuk mengoptimumkan sumber sedia ada, meningkatkan produktiviti dan menambahbaik pengalaman pelabur. Menyedari akan hal ini, SC memperhebatkan tumpuannya pada 2018 untuk bekerjasama dengan pemain industri untuk mengenal pasti dan mengurangkan halangan kepada pertumbuhan.

Meliberalisasikan peraturan pembiayaan margin

Sebelum liberalisasi, peraturan bursa menghadkan pembiayaan margin agregat Organisasi yang Mengambil Bahagian (PO) di bawah rejim berdasarkan risiko, serta mengenakan had keras $\leq 200\%$ daripada dana pemegang saham berkesan mereka. Broker sokongan bukan bank sering mencapai had pembiayaan margin, dan sukar untuk bersaing dengan broker yang disokong bank yang memanfaatkan modal bank untuk menawarkan pembiayaan margin.

Berkuat kuasa Mac 2018, had 200% untuk pembiayaan margin dihapuskan tetapi perlindungan kehematan menyeluruh di bawah rejim berdasarkan risiko dikenakan. Ini memberikan broker lebih fleksibiliti dalam menyediakan kemudahan pembiayaan margin

Diagram 12

Objektif BRIDGe**Kumpulan Pendigitalan Industri Pembrokeran (BRIDGe)**

.....bermatlamat untuk memudahkan cara kerjasama antara pengawal selia, bursa, broker, bank dan pihak berkepentingan lain dengan objektif untuk mempercepat proses pendigitan industri broker saham Malaysia.

Tiga kumpulan kerja telah diwujudkan untuk mencapai objektif ini

**Kemasukan Secara Digital**

Bagi membolehkan kemasukan pelanggan digital sepenuhnya untuk meningkatkan pengalaman pengguna

Tindakan Korporat

Bagi mengautomasi dan mendigitalkan tindakan korporat untuk meningkatkan ketelusan dan kecekapan

Pasca Dagangan & Penyelesaian

Bagi menyediakan pengalaman pasca dagangan dan penyelesaian yang lancar dan efektif

kepada pelanggan mereka, membolehkan mereka menjadi lebih berdaya saing menerusi penggunaan modal asas mereka yang lebih baik.

• BRIDGe merapatkan jurang

Pendigitan industri broker adalah kunci ke arah meningkatkan pertumbuhan broker, memperluas jangkauan kepada pelabur baharu dan muda serta menambahbaik pengalaman pelanggan. Pembabitan bersama dengan pemain industri mendedahkan bahawa peluang pendigitan wujud di seluruh rantai nilai, bermula dengan pelanggan baru masuk ke penyelesaian perdagangan dan pelaksanaan tindakan korporat. Walau bagaimanapun, peluang ini memerlukan sokongan ekosistem perkhidmatan kewangan yang lebih besar.

Kumpulan Pendigitalan Industri Pembrokeran (BRIDGe), yang terdiri daripada wakil-wakil

daripada SC, BNM, Bursa Malaysia dan panel industri termasuk bank, penyedia perkhidmatan pembayaran, broker serta pendaftar saham, ditubuhkan pada bulan Ogos 2018. BRIDGe berfungsi untuk mempercepatkan pendigitan perniagaan pembrokeran saham negara.

• Jawatankuasa Perundingan Industri Pembrokeran sebagai satu saluran komunikasi terbuka

Untuk memastikan isu-isu khusus kepada sub-sektor pasaran modal ditangani, Jawatankuasa Perundingan Industri Pembrokeran (BrIICC) ditubuhkan. BrIICC bermesyuarat buat kali pertama pada Oktober 2018, membabitkan industri broker saham mengenai isu-isu berkaitan dengan pembangunan pasaran, kecekapan operasi dan pengawalseliaan.

Pengiktirafan nilai yang lebih tinggi terhadap syarikat permodalan sederhana dan kecil

Pada 2017, Skim Kajian MidS dengan matlamat untuk mewujudkan pengiktirafan nilai yang lebih baik bagi syarikat permodalan sederhana dan kecil telah dilaksanakan. Di samping itu, syarikat pelaburan berkaitan kerajaan (GLIC) telah memberi komitmen untuk pelaburan langsung sehingga RM2 bilion ke dalam segmen ini.

2018 menyaksikan usaha tambahan yang disasarkan untuk meningkatkan aktiviti perdagangan bagi syarikat permodalan sederhana dan kecil - termasuk merendahkan kos perdagangan untuk segmen ini dan membolehkan peluang untuk mendapatkan pendedahan atau lindung nilai dengan kontrak derivatif baharu berdasarkan Indeks Mid 70 FTSE Bursa Malaysia.

- Liputan kajian MidS yang lebih luas**

Bilangan laporan kajian MidS telah meningkat sebanyak 3 kali ganda, daripada 421 laporan pada 2017¹² kepada 1,259 pada 2018, meliputi 94 syarikat.
- Pengecualian duti setem tiga tahun bagi dagangan saham dalam syarikat permodalan sederhana dan kecil**

Dibenarkan kepada 351 syarikat dengan permodalan pasaran antara RM200 juta hingga RM2 bilion, pengecualian duti setem akan mengurangkan kos dagangan dalam segmen ini.
- Mini FTSE Bursa Malaysia Mid 70 Index Futures (FM70)**

Dilancarkan pada bulan Ogos 2018, kontrak niaga hadapan penyelesaian tunai diasaskan pada Indeks Mid 70 FTSE Bursa Malaysia.

Direka sebagai kontrak yang lebih kecil dari segi saiz dan nilai, FM70 memperlihatkan ketidaktentuan yang lebih besar yang wujud dalam saham permodalan sederhana pendasar.

Pengenalan kontrak FM70 membolehkan pelabur melindung nilai atau mendapatkan pendedahan ke dalam 100 saham terbaik FTSE Bursa Malaysia apabila berdagang dalam kontrak FM70 dan Niaga Hadapan Indeks Komposit Kuala Lumpur (FKLI) FTSE Bursa Malaysia. Ini menyaksikan sebanyak 173,132 kontrak didagangkan dan 327 minat terbuka pada akhir 2018.

Kepelbagaian pelabur yang lebih besar

Secara tradisi, pasaran sekuriti Malaysia menyaksikan kepadatan pelabur jangka panjang semata iaitu pelabur yang mengambil kedudukan beli dalam pasaran. Di samping itu, Malaysia mengalami populasi dagangan runcit menua, dengan kebanyakannya berusia melebihi 40 tahun.

Untuk meningkatkan kecairan pasaran, penyerapan kumpulan pelabur lain diperlukan. Seajar dengan ini, SC telah menumpukan usahanya pada 2018 untuk membawa pelabur dan penyedia kecairan baharu ke dalam pasaran.

- Insentif untuk pelabur baharu memasuki pasaran**

Dari Mac hingga Ogos 2018, fi dagangan dan penjelasan bursa dikecualikan bagi pelabur individu kali pertama dengan akaun Sistem Depositori Pusat (CDS) baharu. Langkah ini diambil untuk pembaharuan kumpulan pelabur, terutamanya daripada demografi yang lebih muda. Ia berjaya membawa 11,083 pelabur baharu ke dalam pasaran, dengan nilai lebih daripada RM1.2 bilion didagangkan dalam tempoh enam bulan.

¹² Skim Kajian MidS mula beroperasi pada Mei 2017.

- **Insentif untuk penyedia kecairan**

Program incentif yang dilaksanakan oleh Bursa Malaysia mensasarkan dua kategori pelabur:

- Pakar dagangan, iaitu pedagang individu volum tinggi yang layak yang ditaja oleh broker; dan
- Pedagang proprietari (bukan-PO dan PO)

Untuk menikmati pengurangan fi penjelasan, kumpulan pelabur ini dikehendaki berdagang dalam volum yang melebihi sasaran yang telah ditentukan. Pada 2018, 11 pedagang proprietari dan 12 pakar dagangan berdaftar dalam program ini.

Pada sebahagian besar 2018, peserta berdaftar berada dalam dagangan sepenuhnya melebihi purata 2017 mereka dan oleh itu menyediakan penimbal ketika Nilai Harian Purata (ADV) yang rendah.

BEKERJASAMA UNTUK PERTUMBUHAN DAN INOVASI

Untuk mempercepat pertumbuhan dan inovasi dalam pasaran modal, SC telah menyediakan beberapa pemangkin bagi menyokong komuniti pasaran modal. Usaha-usaha ini bertumpu di sekitar lima tonggak utama: kepimpinan pemikiran, kerjasama dengan pengawal selia global, integrasi antarabangsa dan ASEAN.

Menyumbang kepada kepimpinan pemikiran global dan serantau

Pada 2018, SC memimpin usaha penggubalan dasar antarabangsa dalam beberapa bidang yang menyokong dan melengkapi keutamaan domestik. Melalui peranan kepimpinan SC dalam IOSCO, Lembaga Perkhidmatan Kewangan Islam (IFSB) dan Jawatankuasa Tetap Kerjasama Ekonomi dan Perdagangan Pertubuhan Kerjasama Islam

Diagram 14

5 tonggak untuk memudah cara pertumbuhan dan inovasi

Kepimpinan Pemikiran

Program kepemimpinan pemikiran yang dianjurkan dengan kerjasama masyarakat global dan serantau membolehkan pihak berkepentingan dan pengawal selia industri mengenalpasti trend global, peluang pertumbuhan dan / atau risiko.

Kerjasama Kawal Selia

Memudahkan perkongsian kepakaran, pemahaman dan sokongan yang berkaitan untuk membangunkan pasaran Malaysia, dan menyumbang kepada pembangunan menyeluruh serantau dan global.

Integrasi Antarabangsa dan Keterhubungan ASEAN

Keterhubungan integrasi antarabangsa dan serantau yang lebih baik melalui penawaran produk rentas sempadan serta mobiliti individu berlesen.

Pembinaan Kapasiti

Hab dan program pembinaan kapasiti berfungsi untuk membangunkan kemahiran dan pengetahuan pengawal selia dan peserta industri.

Pembabitan Bersama

Peluang untuk pengawal selia dan pihak berkepentingan industri untuk bertemu, berdialog dan bekerjasama ke arah penjajaran dasar dan inisiatif industri yang lebih baik bagi pembangunan dan inovasi.

(COMCEC), SC terus berada di barisan hadapan perbincangan global dan memainkan peranan penting dalam beberapa bidang kepimpinan pemikiran.

Sebagai sebahagian daripada IOSCO, penyertaan SC meliputi bidang seperti:

- Keselamatan siber, di mana *Nota Panduan Keselamatan Siber untuk Pengawal Selia Pasaran Pesat Membangun* disediakan pada April 2018. Ini adalah kali pertama panduan disediakan untuk pengawal selia sekuriti di seluruh dunia dengan langkah-langkah yang berkaitan dengan rangka kerja, mekanisme

SIMPOSIUM PASARAN MODAL DUNIA PEMBAHARUAN KAPITALISME: PASARAN BAGI PERTUMBUHAN

Kuala Lumpur
6 & 7 Februari 2018

Setiap dua tahun sekali, Simposium Pasaran Modal Dunia (WCMS) mengumpulkan para pemimpin pemikiran global dengan menyediakan platform untuk menggalakkan wacana bermaklumat oleh para pembuat dasar terkemuka, pemimpin-pemimpin pemikiran dan pakar-pakar industri utama.

Acara kali kelima ini, yang dianjurkan oleh SC dan Capital Markets Malaysia, bertemakan "Pembaharuan Kapitalisme: Pasaran bagi Pertumbuhan". Ia membahaskan masa depan kewangan dan cara ia dapat membawa hasil yang mampan untuk generasi kini dan masa hadapan. Simposium tersebut membincangkan orientasi semula pasaran kewangan, termasuk bagaimana inovasi dan teknologi dapat dimanfaatkan untuk mencipta kecekapan yang lebih tinggi dan memudah cara pertumbuhan mantap, mampan dan inklusif.

Dengan berubahnya persekitaran luaran, tadbir urus yang baik menjadi lebih kritikal dalam membolehkan organisasi mengurus dan mengekalkan pertumbuhan. Simposium tersebut juga membincangkan cara-cara untuk mencapai kesimbangan dalam memenuhi keperluan jangka pendek dan memberi tumpuan kepada pengoptimuman jangka panjang dan pewujudan nilai.

Simposium tersebut telah mengumpulkan golongan pakar mengenai kepentingan pelbagai segmen masyarakat, termasuk peranan wanita dalam kepimpinan dan pemerksaan golongan belia.

Penceramah terpilih



Helen Clark
Bekas Perdana Menteri
New Zealand



Ashley Alder
Ketua Pegawai Eksekutif
Suruhanjaya Niaga Hadapan & Sekuriti
Hong Kong



Dr Michael Spencer
Ketua Ekonomi Asia
Deutsche Bank
Hong Kong



Jin Liqun
Presiden dan Pengurus Bank
Pelaburan Infrastruktur Asia
China



Fareed Zakaria
Hos
Fareed Zakaria GPS CNN
AS



Douglas Flint
Bekas Pengurus Kumpulan
HSBC
UK



dan kawalan tadbir urus bagi pengenalan, perlindungan, pengesanan, tindak balas dan pemulihian. Nota Panduan tersebut turut membincangkan pendekatan untuk meningkatkan kerjasama dan perkongsian maklumat antarabangsa serta pengukuhan keupayaan pengawalseliaan dalam bidang ini. Seterusnya, ia membantu menyediakan asas bagi pengawal selia pasaran pesat membangun untuk membangunkan polisi keselamatan siber domestik mereka sendiri; dan

- Pengawalseliaan pasaran sekunder, di mana isu-isu berkaitan dengan kecairan dalam pasaran bon, mekanisme yang digunakan oleh bursa untuk mengurus turun naik pasaran dan pengawalseliaan platform dagangan aset kripto, telah disemak.

Komitmen SC terhadap kewangan mampan di peringkat global juga dapat dilihat melalui kepimpinannya dalam Kumpulan Kerja Jawatankuasa GEM IOSCO mengenai Pembiayaan Lestari. Hasilnya dijangka akan memudah cara satu tahap konsistensi antarabangsa dengan sifat rentas sempadan dan global instrumen kewangan mampan.

Dalam bidang pasaran modal Islam, SC terus memainkan peranannya sebagai pemimpin pemikiran global dengan:

- Menyumbang kepada pembangunan piawaian dan penyelidikan melalui IFSB dan COMCEC untuk memberi panduan kepada kerja-kerja dasar dan pembangunan. Pada 2018, dua laporan bertajuk *Islamic Fund Management* dan *The Role of Sukuk in Islamic Capital Markets* diterbitkan oleh COMCEC. Malaysia digunakan sebagai kes rujukan sebagai pasaran modal Islam yang matang dalam kedua-dua laporan tersebut; dan
- Mengetuai penyelidikan ke atas topik-topik kontemporari yang berkaitan dengan kewangan Islam melalui Program Sarjana Tamu, satu inisiatif utama di bawah kerjasama SC dan OCIS.

Setiap dua tahun sekali, SC dan BNM mengiktiraf dan memberi penghormatan pemimpin pemikiran global kewangan Islami melalui Anugerah Diraja bagi Kewangan Islam. Pada 2018, Anugerah tersebut telah diberikan kepada Tan Sri Dr Zeti Akhtar Aziz.

Satu pencapaian utama SC dalam kepimpinan pemikiran global, WCMS telah diadakan Februari 2018. Bertemakan 'Pembaharuan Kapitalisme: Pasaran Untuk Pertumbuhan', WCMS mengumpulkan pemimpin pemikiran global, pembuat dasar dan pakar industri bagi membincangkan masa depan kewangan dan kemampannya bagi generasi akan datang.

Mengukuhkan kerjasama dan hubungan kawal selia

SC terus mengukuhkan kerjasama dan hubungan kawal selia dengan rakan sekerja antarabangsa untuk membantu membentuk dasar dan amalan terbaik domestik serta memastikan pendekatannya selaras dengan amalan terbaik global. Perhubungan yang dipupuk oleh SC selama bertahun-tahun telah membolehkannya memanfaatkan kepakaran, pemahaman dan permintaan yang berkaitan untuk mendapatkan bantuan yang diperlukan bagi menyokong peranan dan fungsi SC.

Dalam bidang Fintech, berikutan daripada perjanjian kerjasama inovasi (jalinan Fintech) yang dimeterai oleh SC pada 2017, SC telah mewujudkan jalinan Fintech baharu dengan Finansinspektionen Sweden pada 2018. Jalinan Fintech tersebut memudah cara perkongsian maklumat mengenai trend baharu, perkembangan kawal selia dalam kewangan digital, rujukan bagi perniagaan inovatif yang ingin beroperasi dalam bidang kuasa masing-masing dan potensi projek inovasi bersama. Ini dilengkapkan oleh penglibatan SC dalam IOSCO Fintech dan ICO Networks, yang membolehkan para ahli untuk mengadakan dialog dalam pertukaran maklumat dan kerjasama pada masa akan datang.

Pada Oktober 2018, SC menganjurkan satu siri perbincangan dalam kalangan pengawal selia kanan pasaran modal Asia Pasifik. Dialog ini antara lain,

memberi tumpuan terhadap isu dan cabaran penyeliaan serta penyiasatan dan penguatkuasaan kesalahan pasaran modal merentasi sempadan. Bersempena mesyuarat-mesyuarat ini, SC juga menjadi tuan rumah Forum Kawal selia Kewangan Kesatuan Eropah-Asia Pasifik kali ketiga. Pengawal selia kanan dari Kesatuan Eropah (EU) dan rantau Asia Pasifik berkongsi pandangan mengenai kawal selia dan pembangunan merentas sempadan, termasuk pelaksanaan peraturan EU dan perkembangan yang berkaitan dengan Brexit dan kesannya kepada pasaran di rantau Asia Pasifik. Melalui wacana sedemikian, SC memperoleh kefahaman dan memanfaatkan pengalaman dan kepakaran pasaran lain.

Meningkatkan integrasi antarabangsa dan menggalakkan keterhubungan ASEAN

Untuk menjaga kepentingan agenda perdagangan dan ekonomi antarabangsa Malaysia, pelaburan rentas sempadan dan pengembangan korporat, SC telah terlibat secara aktif dalam pelbagai jawatankuasa serantau dan antarabangsa serta perjanjian perdagangan. Ini termasuk penyertaan dalam:

- Inisiatif Pasaran Bon Asia untuk memudahkan perkembangan pasaran dan integrasi pasaran bon serantau; dan
- Perkongsian Ekonomi Komprehensif Serantau (RCEP), perjanjian perdagangan yang diterajui oleh ASEAN yang merangkumi sepuluh negara anggota ASEAN serta Australia, China, India, Korea Selatan, Jepun dan New Zealand, untuk mewujudkan persetujuan yang saling menguntungkan dengan mengurangkan halangan perdagangan dan menyediakan kepastian akses pasaran untuk perniagaan dan pelabur.

Untuk menggalakkan pasaran modal ASEAN yang lebih berhubung, mampan dengan akses pasaran yang lebih besar, SC menggalakkan liberalisasi melalui, Jawatankuasa Kerja ASEAN mengenai Liberalisasi Perkhidmatan Kewangan.

SC juga menerajui usaha melalui Jawatankuasa Kerja ASEAN mengenai Pembangunan Pasaran Modal dan ACMF.

Teras utama ACMF adalah untuk menyokong lebih keterhubungan serantau termasuk mempromosi kelas aset, penawaran produk rentas sempadan dan mobiliti profesional pasaran modal.

Pencapaian pada 2018 termasuk pelancaran ASEAN SBS dan ASEAN SUS. Di samping itu, 15 dana telah diiktiraf sejak Oktober 2014 sebagai Skim Pelaburan Kolektif yang layak (enam daripadanya telah memulakan penawaran rentas sempadan) sejak pelancaran Rangka kerja Skim Pelaburan Kolektif ASEAN (CIS). Pada 2018, Rangka Kerja CIS ASEAN telah dipertingkatkan untuk menggalakkan penawaran rentas sempadan dana-dana ASEAN yang lebih besar dengan membenarkan pengurus dana menawarkan rangkaian produk yang lebih luas kepada para pelabur di rantau ini. Inisiatif utama tadbir urus korporat (CG) ACMF, Penilaian Kad Skor CG ASEAN terus menyerlahkan piawaian tadbir urus dan menggalakkan kebolehlaburan PLC ASEAN, dengan Malaysia mempunyai syarikat terbanyak iaitu 14 syarikat tersenarai dalam kalangan 50 PLC ASEAN terulung yang diberi penghormatan di Anugerah CG ASEAN pada bulan November.

Satu lagi aspek penting dalam meningkatkan keterhubungan serantau adalah mobiliti tenaga kerja pasaran modal di rantau ini. Pada Oktober 2018, memorandum persefahaman (MoU) mengenai Rangka Kerja Mobiliti Profesional Pasaran Modal ASEAN kali pertama ditandatangani oleh empat pengawal selia ASEAN, dan akan diikuti oleh penyertaan negara-negara lain pada masa yang akan datang. Ini merupakan sebahagian daripada Fasa 1, yang akan menyaksikan pewujudan ‘Pas ACMF’ yang memudah cara pergerakan merentas sempadan penasihat pelaburan, dan dengan itu membolehkan para pelabur ASEAN memperoleh khidmat profesional dengan kepakaran pasaran tempatan.

Memperkuuh pembinaan kapasiti

Sejak penubuhannya pada 2017, Hab Asia Pasifik IOSCO telah memulakan pelbagai inisiatif pembinaan kapasiti untuk memudah cara kerjasama kawal selia merentas sempadan dan memperkuuhkan keupayaan kawal selia dalam rantau ini. Hub tersebut telah melatih lebih daripada 200 peserta dari lebih 35 buah negara dari negara maju dan pesat membangun, termasuk pihak berkepentingan domestik.

Program-program yang dijalankan oleh Hab tersebut pada 2018 termasuk Penilaian Sendiri Prinsip Pengawalseliaan Sekuriti IOSCO, Membanteras Pengubahan Wang Haram dan Pembiayaan Keganasan dalam Pasaran Sekuriti, Penggunaan Ekonomi Tingkah laku untuk Pendidikan dan Perlindungan Pelabur serta Penzahiran Kewangan Berkaitan Iklim.

Di samping itu, SC bersama Securities Industry Development Corporation (SIDC) terus menjalankan program Skim Latihan Graduan Pasaran Modal Islam untuk menghasilkan profesional peringkat kemasukan dengan pengetahuan dan kemahiran asas yang kukuh bagi ICM. Program lapan minggu ini, dianjurkan sebanyak dua kali setahun, telah melatih lebih daripada 762 peserta sejak dimulakan pada tahun 2009.

Pembabitan bersama industri

Untuk memacu pertumbuhan dan inovasi yang lebih besar dalam pasaran modal, pembabitan bersama dan dialog secara lazim dianjurkan untuk menyelaras dasar pembangunan SC dan inisiatif industri dengan lebih baik.

Semasa Dialog Industri Tahunan SC 2018, perbincangan dengan peserta pasaran termasuk broker sekuriti dan derivatif dan pihak berkepentingan lain yang terlibat dalam aktiviti kewangan korporat, pengurusan pelaburan, perancangan kewangan dan CG telah dijalankan. Perbincangan bertumpu pada keperluan untuk penditan, pengukuhan budaya CG dalam ekosistem pasaran modal, promosi pembiayaan hijau dan kedudukan Malaysia sebagai hab SRI serantau serta pembangunan kapasiti untuk pembangunan bakat yang mampu.

Di sidang dialog tersebut, SC mengumumkan beberapa inisiatif untuk memudah cara pertumbuhan berterusan, fleksibiliti pasaran yang lebih baik dan kecekapan. Ini termasuk penyusunan semula proses kelulusan pasaran utama; penubuhan jawatankuasa kerja untuk membangunkan strategi untuk memperkuuhkan lagi kedudukan Malaysia sebagai peneraju pasaran serantau dalam kewangan mampu; dan semakan dasar bagi penawaran urus niaga pelaburan kolektif dalam sekuriti boleh pindah (UCIT) kepada pelabur Malaysia, dengan mengambil kira layanan adil kepada pengurus dana tempatan.